



大明集禮十一

嘉禮

74  
6287  
10





74  
6287  
10



大明集禮卷十七

嘉禮第一

朝會篇

總叙

天子之朝有四。一曰外朝。以聽訟。二曰中朝。以見羣臣。三曰內朝。以聽政。四曰詢事之朝。國有大事。致萬民而詢之。於是後世有常朝與大朝會之禮焉。漢高祖用叔孫通起朝儀。七年長樂宮成。羣臣奉賀。武帝十月朔行饗會。二千石



去五味均平藏



以上上殿稱萬歲此大朝會也每月有朔朝至  
宣帝則五日一朝此常朝也唐貞觀初宣政殿  
每日臨朝十三年則三日一朝二十三年則每  
日常朝永徽間於太極殿五日一朝及朔望朝  
開元後不能日見群臣而獨朔望一朝其正旦  
冬至五月朔千秋節則受朝賀焉宋太祖建隆  
二年正旦御崇元殿受朝賀元豐中侍從官常  
參於垂拱殿百司朝官五日一朝紫宸殿在京  
官朔望亦朝於紫宸殿其正旦五月朔日冬至

長春節則行大朝會禮於文德殿焉元世祖至  
元十一年正旦始御大明殿受朝賀及後天壽  
節皆行朝賀禮每日則宰執入延春閣及別殿  
奏事而已

**國朝**之制正旦冬至

聖壽節於

奉天殿受朝畢賜宴於  
謹身殿及東西廡其蕃使表貢則以其所至之  
日而設朝每日見羣臣於



謹身殿。或

奉天殿。

奉天門。以為常朝焉。今著歷代朝會器服儀文之詳。及國朝儀注圖本。作朝會篇。

乘輿冠服

**周**制天子受諸侯朝覲。則服兗冕。其常朝則用皮弁服。**秦**滅禮學。服尚約玄。也。約。繒也。冕旒前後邃延。**漢**承秦幣。服無定制。至明帝時始制冕服。**魏**因漢制。無所損益。**晉**正旦朝賀用介幘通天冠。

平冕服。皂上絳下衣。**齊****梁**以下皆因之。**隋**正旦

朝賀服衮冕。聽朝則服赭黃文綾袍。烏紗折上

巾。**唐**正旦朝賀用衮冕。冬至朝賀服通天冠。絳

紗袍。朔日受朝服皮弁。絳紗袍。其常朝則服赭

黃。或紅。或淡黃。襖袍衫。皂紗折上巾。**宋**正旦朝

賀服衮冕。冬至及五月朔受朝。則服通天冠。絳

紗袍。其常服赭黃。淡黃。襖袍衫。或紅袍。皂紗折

上巾。便坐視事。則服窄袍。烏紗帽。**元**朝用本俗

衣冠。



國朝正旦冬至。

聖節服袞冕降詔則服皮弁常服則用烏紗折上巾。盤領衣服色按月令。春用青。夏用紅。秋用白。冬用黑。其土王之日則用黃。其制度圖本詳見冠服篇。

皇太子冠服

皇太子冠服之制。周禮無所見。至漢朝服用玄冠絳衣。魏用五時朝服。晉用遠游冠介幘朱衣絳紗襪。唐正旦冬至朔日入朝。以具服遠游冠。

絳紗袍。五日常朝。正旦冬至受朝。公服遠游冠。絳紗單衣。朔日及視事服弁服。絳紗衣。其常服進德冠。服袴褶。宋朝會用遠游冠。朱明服。其常服皂紗折上巾。紫公服。元朝會用本俗冠服。

正旦冬至。

聖節皇太子服袞冕九章。降詔侍朝用皮弁服。常服用皂紗折上巾。服諸色盤領衣。其制度圖本詳見冠服篇。

諸王冠服



諸王蓋即周之上公。漢之諸侯王也。**周**制朝天子。上公用衮冕九旒。服九章。**漢**諸侯王用遠游冠。絳衣。**唐**親王用遠游冠。黑介幘。絳紗單衣。**宋**親王用七梁冠。服朱衣。朱裳。**元**用其本俗衣冠。**國朝**正旦。冬至。聖節。諸王服衮冕九章。降詔侍朝。服皮弁。服。用烏紗折上巾。諸色盤領衣。其制度圖本。詳見冠服篇。

群臣冠服

**周**制上公朝君。執桓圭九寸。衮冕九章。侯執信圭。伯執躬圭。鷩冕七章。子執穀璧。男執蒲璧。毳冕五章。**漢**群臣用五時朝服。**東漢**用織文衣。**唐**朝賀。一品。二品。用五梁冠。服朱衣。諸司三品。御史臺四品。兩省五品。用三梁冠。四品。五品。六品。用兩梁冠。並服朱衣。朔望日朝服。袴褶。其每日常朝。則用公服。三品以上紫。五品以上緋。六品。七品。以綠。八品。九品。以青。**宋**大朝會冠服。其常朝之服。皆與唐同。公服。宋初與唐同。神宗元豐間。改一品至四品服紫。五品。六品。服緋。七品。以



大明集禮 卷十七 五  
下皆綠。**元**大朝會用唐宋公服之制。一品至五  
品服紫。六品七品服緋。八品以下皆綠。其常朝  
則用國俗衣冠。

**國朝**大慶會朝服。一品七梁冠。二品六梁。三品  
五梁。四品四梁。五品三梁。六品七品二梁。八品  
九品一梁。衣俱用赤。常服則用烏紗帽盤領衣。  
束帶。其詳見冠服篇。

儀仗

**漢**以前朝會儀仗尚簡。高祖朝長樂宮廷中陳

車騎成卒衛官設兵張旗幟。殿下郎中俠陛。陛  
各數百人。**後漢**正旦天子幸德陽殿大會。則有  
虎賁羽林之屬執弧弓操矢列于陛之左右。**唐**  
凡大朝會以三衛番上。分為五仗。號為衙門五  
衛。一曰供奉仗。二曰親仗。三曰勳仗。四曰翊仗。  
五曰散手仗。**元**日冬至朝會。宴見番國王則供  
奉仗。散手仗。立於殿上。又有黃麾仗左右廂各  
十二部。為十二行。又有夾轂隊。持鈇隊。步甲隊。  
辟邪旗隊。又有清游隊。朱雀隊。玄武隊。諸衛挾



門隊長槍隊。宋大慶殿大朝會黃麾大仗用五千二十五人。文德殿視朝黃麾半仗用二千二百六十五人。紫宸殿大遼使朝用一千五十六人。元大朝會設內外仗用七百四十八人。

國朝大朝會。

奉天門外中道陳龍旗十二。纛一。豹尾一。左右布旗六十四。每旗用甲士五。共用甲士三百二十。

奉天門內設五輅仗馬六。

丹墀儀仗九十。

丹陛儀仗九十。

殿門前擎執黃蓋校椅等儀二十四。

殿上擎執香鑪等儀八。其制度圖本詳見儀仗篇。

### 班位

周制朝會班位。其在外朝左九棘。孤卿大夫位焉。群士在其後。右九棘。公侯伯子男位焉。群吏在其後面。三公位焉。州長衆庶在其後。斯



獄之時所列位也。樹棘以為位者。取其赤心而外刺也。列槐以為位者。槐之言懷也。言懷來人之於此。欲與其在中朝則王南面三公北面東上。

孤東面北上。卿大夫西面北上。王族故士武士。在路門之右南面東上。太僕。太右。太僕從者。在

路門之左南面西上。此王視事於路門之位也。王族故士為士免退留宿衛者。太右。司右也。太僕從者。小臣。祭僕。御僕。隸僕也。其在詢事之朝則王


南向。三公及州長百姓北面。群臣西面。群吏東面。**漢**高帝長樂宮成。功臣列侯諸將軍軍吏以

次陳西方東向。文官丞相以下。陳東方西向。**唐**

開元禮。正旦冬至受群臣朝賀。典儀設文官三品以上位於橫街之南。道東。介公。鄒公於橫街之南。道西。武官三品以上於介公之西。少南。每等異位。重行。北面對為首。設文官四品五品位於樂懸東。六品以下於橫街南。每等異位。重行。西向北上。設諸州朝集使位。都督刺史及三品以上。東方南方。於文官三品之東。重行。北面西上。西方北方。於武官三品之西。重行。北面東上。四品以下皆分方位於文武官當品之下。諸



大明集禮 卷十七  
州使人。分方位於朝集使下亦如之。設諸親位於四品五品之南。皇宗親在東。異姓親在西。設諸方客位三等以上。東南方者於東方朝集使之東。每國異位重行北面西上。西北方者於西方朝集使之西。每國異位重行北面東上。四等以下。分方位於朝集使六品之下。重行每等異位。奉禮設門外位。文官於東朝堂之前。每等異位重行。西面介公。鄒公於西朝堂之前。武官於介公之南。少退。每等異位重行東面。諸親位於

文武官四品五品之南。皇宗親在東。異姓親在西。設諸州朝集使位。東南方者在宗親位之南。每等異位重行西面。西北方者於異姓親之南。每等異位重行東面。諸州使人分方位於朝集使之下亦如之。諸方客位。東南方者於東方朝集使之南。每國異位重行西面北上。西北方者於西方朝集使之南。東面北上。大慶殿正旦。冬至。大朝會。三師三公。侍中。中書令。左右僕射。開府儀同三司。在丹墀香案之南。少東。次尚書



大明集禮 卷之七 九  
左丞在其後。皆北面。西上。親王在香案之南。少  
西。北面。東上。門下侍郎位于其東。次左散騎常  
侍。次給事中。左諫議大夫。次左司諫。正言。皆重  
行。位于其後。觀文資政殿大學士。學士。端明殿  
學士。位于次南。並西面。北上。中書侍郎位于其  
西。次右散騎侍郎。次中書舍人。右諫議大夫。次  
右司諫。正言。皆重行。位于其後。翰林學士承旨。  
至寶文閣學士。位于次南。次樞密直學士。待制。  
皆重行。位于其後。並東面。北上。契丹使在龍墀

之上。少西北面。宗姓節度使以下。至率府副率。  
在橫街之南。分東西相對。各重行。異位。北上。夏  
國使在宮架之東。軍負在其後。夏國從人次之。  
高麗使在宮架之西。軍負在其後。高麗從人次  
之。諸道貢舉解首在其後。皆北面。序班于大慶  
門外。則東西相對。以北為上。文武百司自一  
品至九品。序列于崇文門外。文班自外旁折位。  
入日精門。武官自外旁折位。入月華門。各就東  
西起居位。立定。然後趨丹墀就位行禮。



**國朝**文官齊班位於 午門外之東。西向。以北為上。武官齊班位於 午門外之西。東向。以北為上。午門西偏門入 奉天門西偏門。文官起居位於 文樓丹墀之南。北上西向。武官起居位於 武樓丹墀之南。北上東向。殿前班位於武官起居位之北。北上東向。侍從班起居位於文官起居位之北。北上西向。文官一品二品拜位於內道上之東。每等異位重行北面西上。武官一品二品拜位於內道上之西。每等異位

重行北面東上。文官三品以下拜位於丹墀內道下之東。每等異位重行北面西上。武官三品以下拜位於丹墀內道下之西。每等異位重行北面東上。分文武官為十八位。第一班正一品。第二班從一品。第三班正二品。第四班從二品。第五班正三品。第六班從三品。第七班正四品。第八班從四品。第九班正五品。第十班從五品。第十一班正六品。第十二班從六品。第十三班正七品。第十四班從七品。第十五班正八品。第



十六班從八品第十七班正九品第十八班從九品使客位文官之東

樂

樂之為用尚矣。周制小胥正樂懸之位。王用宮懸。故後世朝會則設樂。漢燕樂群臣設黃門鼓吹樂。武帝時宴會則張四懸樂。梁朝會設宮懸。唐朝會設宮懸。又設鼓吹。又設十部伎樂。以備華夷。宋朝會設宮懸。別殿上壽則用教坊樂。元正旦天壽節用雲和樂。兼用武隊。

國朝 正旦冬至

聖節朝賀用大樂。宴會加奏細樂。兼用舞隊。詳見樂書。

執事

周制大行人掌大賓之禮。及大客之儀。大賓要服以內諸侯大客。謂其孤。卿。高祖朝長樂宮。謁者引禮衛官設兵張旗幟。張音帳殿下俠陛郎中數百人。俠與挾同大行設九賓臚句傳。上傳告下為臚。下告上為句有御史執法。察不如儀者。晉正會執事。受贄郎掌受贄。謁者



掌引王公禮。大鴻臚掌群臣禮。大常掌引導。掌禮郎掌贊事。大行令掌二千石禮。大樂令掌奏雅樂。乘黃令掌陳車。太官令掌行御酒。司徒掌持羨。大司農掌持飯。尚書掌持案。**唐**正至朝賀執事。尚舍奉御掌設御幄。守宮掌設群官使客次。大樂令掌展宮懸。乘黃令掌陳車輅。尚輦奉御掌陳輦輦。尚舍奉御掌設解劍席。典儀掌設文武百官位於殿前。奉禮掌設文武百官位於門外。符寶郎掌奉寶。通事舍人掌引禮。中書侍

郎掌諸州鎮表案。絳公服二人對舉。給事中。掌祥瑞案。絳公服二人對舉。中書令掌奏諸方表。黃門侍郎掌奏祥瑞。**宋**正至朝賀執事。太樂令掌樂。協律郎掌舉麾。偃麾符寶郎掌奉寶。侍中掌版奏。中書侍郎掌押表案。給事中掌押祥瑞案。中書令掌奏諸方鎮表。門下侍郎掌奏諸方鎮祥瑞。戶部尚書掌奏諸州貢物。司天監掌奏雲物。光祿卿掌奏上壽。尚食奉御掌進酒。殿中監掌省酒。通事舍人掌贊賜酒。太官令掌



奏巡周。食遍。大樂丞掌引舞。殿中監掌進爵。元  
正旦朝賀。殿上執事。挈壺郎二人。司香二人。主  
酒二十人。主潼二十人。主膳二十人。護尉四十  
人。警蹕三人。殿下執事。司香二人。護尉四十人。  
右階下五長凡六人。都點檢一人。右點檢一人。  
左點檢一人。殿內將軍一人。殿外將軍一人。宿  
直將軍一人。左階下五長三人。殿內將軍一人。  
殿外將軍一人。宿直將軍一人。司晨郎二人。表  
案舉士四人。禮物案舉士四人。圍人十人。右仗  
之東。侍儀使二人。引進使一人。通班舍人一人。  
尚引舍人一人。閱仗舍人一人。奉引舍人一人。  
先與舍人一人。糾儀官四人。左仗之西。侍儀使  
二人。引進使一人。承奉班都知一人。宣表目舍  
人一人。宣表修撰一人。宣禮物舍人一人。奉表  
舍人一人。尚引舍人一人。閱仗舍人一人。奉引  
舍人一人。先與舍人一人。押禮官二人。糾儀官  
四人。知班三人。宣贊舍人一人。通贊舍人一人。  
護尉三十人。立大明門闌外承傳二人。立大明



門楹間。

**國朝**朝會執事導

駕侍儀使六員導

皇太子引進四員。引親王四員。宣表一員。宣表目一員。展表二員。通贊一人。贊禮一人。知班二人。典儀二人。引文班舍人二人。引武班舍人二人。引使客舍人四人。引殿前左右班四人。催班舍人四人。鋪墊拜席界畫位次。陳設版位。舍人二人舉。

丹墀表案舍人二人舉

殿上表案舍人二人。執外辦牌舍人一人。

殿前班指揮使三員。侍從班。光祿寺官三員。

殿門前拱衛司官二員。

丹墀階上宿衛鎮撫二員。

殿門前護衛執戟千戶八員。

丹墀階下護衛執斧三十四員。

丹墀南五輅輦士四十員。

御座左右擎執內使八員。



丹陛上四隅執斧將軍四員。

殿門左右執斧將軍六員。

奉天門將軍六員。

殿上執斧捲簾將軍二員。

丹陛上鳴鞭四人。

殿門前擎執儀仗十六人。

丹墀東西擎執儀仗九十人。

丹陛東西擎執儀仗九十人。

文武樓南掌仗馬典牧所官二員控仗馬十二

人樂工六十四人。

奉天門外中道擎執十七人。中道左右擎執旗  
弓弩三百二十人。控象十二人。虎豹柵輦士二  
十四人。

午門外軍士若干人。

陳設

①官司几筵。凡大朝覲設黼依。依前南鄉。白之

謂黼。畫斧於衣。故名黼。依。依與衣同。鄉音向。設筵。筵紛純。莞蒲之細者。以蒲為  
筵。以粉為純。加繅席。畫純。繅席。謂加繅飾。畫  
純。音準。綠也。加繅席。畫純。純。畫衆色。以章之。加



次席黼純

次席以次列成文黼純以斷割為義

每大朝會必陳

乘輿法物車輦於庭。唐正至大朝賀列仗衛備

羽扇於兩廂之上。尚舍奉御設御幄於太極殿

北壁下。南向鋪御座如常儀。守宮設群官客使

等次於東西朝堂。太樂令展宮懸於殿庭。設麾

於殿之西階。乘黃令陳車輅。尚輦奉御陳輿輦。

尚舍奉御設解劍席。典儀設文武官介公。鄧公。

諸州朝集使諸親位。諸方客位於殿前。奉禮設

文武官介公。鄧公諸親位。諸州朝集使位。諸方

客位於門外。設諸州進表案於右延明門外。設

祥瑞案於左延明門外。設諸州貢物於太極門

東西廂。宋正至大朝會前期有司設御座於大

慶殿東西房。于御座之左右少北。東西閣於殿

後。百官宗室客使次於朝堂之内外。五輅先陳

于庭。兵部設黃麾仗于殿之内外。太樂令展宮

架之樂於橫街南。鼓吹令分置十二架於宮架

外。設協律郎二人位於殿上。及宮架西北俱東

向。陳鑿輦御馬于龍墀。繖扇於沙墀。典儀設文



武大小百官。位于丹墀南之東西。設契丹使位于龍墀上。又設夏國使。高麗使。位於宮架之東西。之朝賀殿上。設漏案。香案。酒海。殿門外中道。設褥位。丹陛中道。設鳴鞭。丹墀中道。設香案。又設表案。禮物案。中道南東西。設樂位。設內黃麾立仗。設外牙門立仗。

**國朝**陳設見于儀注圖本。

贊詞

**漢**武帝正旦朝賀。二千石以上。上殿稱萬歲。後

**漢**同。正旦。謁者奏蕃王臣某等奉觴再拜。上千萬歲壽。百官伏稱萬歲。唐正旦。冬至。群官上壽酒。三稱萬歲。唐正旦。皇太子稱賀曰。元正首祚。景福惟新。伏惟陛下與天同休。冬至稱賀曰。天正長至。伏惟陛下如日之升。群臣稱賀曰。元正首祚。景福惟新。伏惟具尊號陛下。與天同休。宣答云。履新之慶。與公等同之。千秋節。侍中奉稱曰。千秋令節。臣等不勝大慶。宣答云。得卿等壽酒。與卿等內外同慶。宋正旦。群臣贊詞云。元



正啓祚萬物咸新。伏惟皇帝陛下。膺乾納祐。與天同休。宣答云。履新之慶。與公等同之。冬至稱賀云。晷運推移。日南長至。伏惟陛下。與天同休。宣答云。履長之慶。與公等同之。

**國朝** 正旦。

皇太子朝賀。贊詞云。長子某。茲遇履端之節。謹率諸弟某等。欽詣

父皇陛下。稱賀。宣答云。履端之慶。與長子等同之。群臣贊詞云。茲遇三陽開泰。萬象惟新。欽惟

皇帝陛下。膺乾納祐。奉天永昌。宣答云。履端之慶。與卿等同之。冬至

皇太子朝賀。贊詞云。長子某。茲遇履長之節。謹率諸弟某等。欽詣

父皇陛下。稱賀。宣答云。履長之慶。與長子等同之。群臣朝賀。贊詞云。律應黃鍾。日當長至。欽惟皇帝陛下。應乾納祐。奉天永昌。宣答云。履長之慶。與卿等同之。

賀表



章表之名起於漢。至隋正旦。及冬至朝賀。有司奉。上諸州表。此正至始有表賀之禮也。唐元日。在外諸州府軍監長吏及諸道節度觀察防禦團練等使。並奉表賀。至日。中書令詣御前跪奏之。冬至在外亦無進表之禮。宋制正旦冬至不受朝。則宰臣率文武群官詣東上閣門拜表。太宗承天節不受朝。群臣詣閣拜表獻壽。若受朝則奏諸方鎮表而已。元正旦聖節。在內省院臺長官進表稱賀。在外行中書省亦然。其所屬五

品以上第進。所屬上司類進。都省各萬戶府進樞密院。廉訪司進御史臺亦類進焉。

**國朝** 正旦冬至。

聖節各行中書省及直隸府州上表賀。其行省所屬府州則進於行省。類進中書省朝賀之日。宣表官取行省或方鎮大臣高品者一表。跪宣於御座前。在內宰執既具祝贊之詞。不復表賀。其寫表儀式。表文起首具官臣某等誠懼誠忤。稽首頓首上言。云云。中賀臣某等誠懼誠忤。稽



首頓首欽惟

皇帝陛下。云云末後。臣某等無任瞻

天仰聖。激切屏營之至。謹奉表稱賀以聞。臣某

等誠懼誠忤。稽首頓首。謹言。表文後具年月日。

具官臣某等謹上表。以上並用小字真書。其署

貼黃帖一方。如印大帖下。用印。黃帖上所書如

正旦。寫進賀正旦表文。冬至。寫進賀冬至表文。

聖壽。寫進賀聖壽表文。謝恩。寫進上謝

恩表文。未後年月日上亦用印。

封皮。上用黃帖。如正旦於上書寫進賀正旦表

文。冬至寫進賀冬至表文。聖壽寫進賀

聖壽表文。謝恩。寫進上謝恩表文。黃帖下

用印。印下寫具官臣某上進謹封。於上進謹封。

禮物

古之朝會。臣下有贄見之禮。周制諸侯朝天子

奉束帛加璧。唯國所有以為庭實。或馬。或虎豹

皮。龜。金丹。漆。絲。纊。竹。箭。分為三享。漢武帝正旦

朝賀。公侯執璧二千石。執羔六百石。執鴈。武

帝有受贄郎。正旦朝賀。蕃王等奉白璧各一。太

字上用印。副本。用手本小字真書。後年伏匣。用

齊於下。飾以金龍。鎖鑰全。黃羅夾袂二條。上銷金龍文。

小者。累表於匣內。大者。累於匣外。仍用氈片油

重。絹。袂。累。



尉二千石等奉璧皮帛羔鴈雉以為賀禮畢以贄授受贄郎郎以璧帛付謁者以羔鴈雉付太常。梁元會王公以下奉珪璧以為贄禮畢以付主客郎。唐開元間正旦朝賀戶部以諸州貢物陳於太極門東西廂禮部以諸蕃貢物取可執者蕃客手執入就內位其重大者則陳於朝堂之前禮畢並以貢物付有司。宋正旦朝賀戶部以諸州貢物禮部以諸蕃貢物各陳於宮懸之南。元正旦進賀禮物太師府馬一疋中書省馬

二十七疋納夫失九疋金段子四十五疋金香爐香合一副樞密院馬九疋御史臺馬三疋徽政院馬九疋宗正府宣政院各馬二疋宣徽通政集賢翰林國史等院大司農留守拱衛司及都護府各馬一疋太常寺太史院秘書監各羅九疋

**國朝**

鳴鞭

**周**官條狼氏掌執鞭以趨辟王出入則八人夾



道。又朝士掌帥其屬以鞭呼趨且辟。禁慢期錯立。族談者。晉中朝大駕有執鞭之制。又事物紀原云。唐有鳴鞭。蓋本乎周事也。宋大慶殿正旦冬至朝會乘輿出殿上。簾捲。殿下鳴鞭。奏外辦殿上鳴鞭。扇開。殿下鳴鞭。扇合。簾下鳴鞭。元正旦朝會設鳴鞭。位於殿前丹陛中道。乘輿陞輦。鳴鞭三。陛御榻。鳴鞭三。宴畢。鳴鞭三。其鞭之制。綵柄。鞭以梅紅絲為之。梢用黃茸。而漬以蠟。

**國朝** 正旦冬至。

聖節朝會及蕃使來朝。設鳴鞭四人於奉天殿丹陛上。北向立。百官入旁折位。

皇帝出

謹身殿。鳴鞭三。

皇帝陞




奉天殿。鳴鞭三。朝畢。

皇帝還宮。鳴鞭三。常朝。

皇帝陞殿。鳴鞭三。朝畢。鳴鞭三。

雞唱



周官雞人。大賓客會同則夜嘒。嘒旦以嘒。音百官。蓋雞知時之物。故象之以告行事之期也。大朝會則雞人服絳幘。唱籌以報時。置挈壺正。掌司辰刻。其法每一時為八刻。二十分。每一刻擊鼓。八鼓後進時。牌餘二十分為雞唱。唱絕擊一十五鼓為時正。他辰並同。唯午時擊八鼓後雞唱。唱絕擊百五十鼓為午時正。凡大宴會則設司天雞。唱樓於殿側。以掌報時。正旦聖節。大朝會設司辰郎二人。一人立左樓上。服朱衣。候時北面而雞唱。一人立樓下。服綠衣。候時捧牙牌趨丹墀。跪報露階之下。其雞唱之詞。天欲曙。淡銀河。耿珠露。平旦寅。闕鳳闕。集朝紳。日出卯。伏群陰。光四表。食時辰。思政治。味忘珍。禺中已。聽政餘。玩經史。日南午。散離明。同率土。日昃未。慮萬機。猶抑畏。晡時申。入宴息。靜怡神。日入酉。衛皇圖。固高守。日已暮。列周廬。嚴拱戶。甲夜已。粲星躔。皆順軌。乙夜庚。齊七政。審璣衡。丙夜辛。夢上帝。賚良臣。丁夜壬。銀箭緩。九重深。戊



夜癸復求衣。思治理。晝辭十章。夜辭五章。

**國朝**與元制同

宴會

古者諸侯朝正于王。王有燕樂之禮。鹿鳴燕群。臣嘉賓。則又成周之盛事也。自**漢**以降。遇節慶朝賀。必舉大會。高帝十月朝。諸侯群臣置酒行九觴禮。武帝十月朔。享會二千石以上。舉觴御食前。司空奉羹。大司農奉飯。百官受賜。宴享大作樂。**漢**正月德陽殿大朝。宗室公卿大夫百

官蠻貊。胡羌雜會。萬人賜酒食。庭作魚龍變化

等戲。**魏**武帝正會文昌殿。用漢儀。**東晉**正會皇

太子在三恪下。三公上。**宋**皇太子在三恪之上。

**齊**因之。**梁**正會皇太子劍履升座。會訖先興。**隋**

朝會皇太子坐於御座東南。南向。**唐**文官三品

以上。座於御座之東南。南向。介公。鄴公。座於御

座西南。東向。武官三品以下。於介公。鄴公之後。

朝集。使東南方者。座於文官三品之後。西北方

者。於武官三品之後。俱重行。每等異位。以北為



上樂用登歌二舞。或間用九部伎樂。上公上壽。行群官酒十二遍。禮畢。宋大宴會。有司預於殿庭設山樓排場。為郡仙隊仗。六蕃進貢九龍五鳳之狀。設司天鷄唱樓於側殿。陳錦繡幃帘。設香毬文茵。宰相使相。三師三公。叅知政事。東宮三師。僕射。學士。大夫。中丞。三少。尚書常侍。賓客。太常。宗正。卿丞郎給事。諫舍。節度兩使。留後。觀察。防禦。團練。刺史。上將軍。統軍。都指揮使。坐於殿上。文武四品以上。知雜御史。郎中。郎將。禁軍。都虞候。坐於朵殿。餘升朝官。諸軍副都頭以上。諸蕃進奉使。諸道進奉軍將。分座於兩廊。宰相使相。座以繡。叅知政事以下。用二蒲。整加。芻毯。軍都指揮以上。用一蒲。整自朵樓而下。皆緋緣。氈條席。殿上器以金。餘以銀。宰相升殿進酒。各就座。酒九行。宴訖。舞蹈拜謝而出。元正旦。聖節。皇太子坐於東南。西面。在宗室三公之上。宗王勲臣。皆服質孫。各依元定功臣位序。坐於殿上。東西相向。丞相樞密使。御史大夫。坐於諸王



勳臣之後。西坐東向。自餘文武三品以上升殿。立飲而退。上壽。行啜盞禮。樂用大樂。鼓吹及諸舞隊。酒行無筭。兼用馬湏。

**國朝** 正旦冬至。

聖節宴會於

謹身殿。

御座東偏設

皇太子西向座。次

諸王座。其西偏設

諸王座東向。與東偏

諸王相對。

殿中左右第一行。文武官一品二品坐。餘坐於左右第二行。右第三行。及後行。並坐三品以上武官。左第三行。及後行。並坐三品以上文官。

西廡坐四品以下武官。

東廡坐四品以下文官。會之時。拱衛司於殿庭設黃麾仗。及擎執如

奉天殿之儀。和聲郎列樂于



殿上之南間作大樂細樂酒七行食 遍凡行  
酒初行奏大樂作太清曲次行細樂奏感皇恩  
曲三行細樂奏賀聖朝曲四行細樂奏普天樂  
曲五行舞諸國來朝隊六行細樂奏朝天子曲  
七行舞長生隊細樂奏醉太平曲凡進食則作  
大樂宴畢

皇帝

皇太子

諸王還

管百官以次出

正旦朝賀儀注

冬至儀注同但改用贊詞并宣答

前期内使監官陳

御座香案于

奉天殿設

皇太子親王次于

文樓其

丹墀中侍儀司設表案於內道之西北文官起  
居位於



文樓之南。西向。武官起居位於

武樓之南。東向。文官一品二品拜位於內道上。之東。每等異位重行。北向。西上。武官一品二品拜位於內道上。之西。每等異位重行。北向。東上。文官三品四品以下拜位。皆列於內道之下。每等異位重行。北面。西上。武官拜位於內道之下。每等異位重行。北面。東上。使者位於文官拜位之東。北面。西上。善世玄教僧道位於文官四品之東。使客位之北。殿前班諸執事起居位於武

官起居位之北。東向。侍從班諸執事起居位於文官起居位之北。西向。捧表官宣表官宣表目官展表官位於表案之西。東向。糾儀御史二人位於表案之南。東西相向。宿衛鎮撫二人於東西陛下。東西相向。護衛百戶二十四人位於宿衛鎮撫之南。稍後。東西相向。典牧所官二人位於乘馬之前。東西相向。司辰郎報時位於內道之中。文武官拜位之北。知班二人位於文武官拜位之北。東西相向。通贊贊禮二人位於知班



之北。東西相向。通贊在西。贊禮在東。引文武班四人位於文武官拜位之北。稍後。東西相向。引殿前班二人位於引武班之南。引使者二人位於引文班之南。舉表案二人位於引武班之北。舉殿上表案二人位於西陛之下。東向其丹陛上設。

皇太子

親王拜位於陛上正中。殿前班指揮司官三員侍立。位於陛上之西。東向。光祿寺官三員侍立。

位於陛上之東。西向。儀鸞司官位於殿中門之左右。東西相向。護衛千戶八人位於殿東西門之左右。東西相向。典儀二人位於陛上之南。東西相向。鳴鞭四人位於殿前班之南北。向將軍六人於殿門之左右。各東西相向。天武將軍四人位於陛上之四隅。各東西相向。其奉天殿上尚寶司設寶案於正中。設表案於寶案之南。

皇太子



親王位於寶案之南。文官侍從班起居注給事中。殿中侍御史尚寶卿位於殿上之東。西向。武官侍從班懸刀指揮位於殿上之西。東向。受表兼受表目官位於文官侍從班之南。西向。內贊二人位於受表官之南。東西相向。捲簾將軍二人位於簾前。東西相向。

是日侵晨。金吾衛陳設甲士於

於午門外之東西擊鼓。位於門外之中道。列旗仗

奉天門外之東西。拱衛司於

皇太子

親王位設拜褥。陳儀仗於

丹陛上。及

丹墀之東西。陳五輅於

丹墀之南北。北向。典牧所陳仗馬於

文武樓南。東西相向。虎豹於

奉天門外。東西和聲郎陳樂於

丹墀。文武官拜位之南。侍儀司舍人二人舉表



案入就殿上位。舍人二人以表函置于案。舉入丹墀位。擊鼓初嚴。催班舍人各請文武百官具朝服。擊鼓次嚴。引班引文武百官各依品從齊班於

午門外。以北為上。東西相向。通班贊禮。知班與儀內贊宿衛鎮撫護衛鳴鞭。殿內外將軍俱入就位。引班引殿前班指揮光祿卿糾儀官捧表官宣表官宣表目官展表官受表官各依品從序立於起居位。東西相向。諸侍衛官各服其器

服及尚寶卿侍從官入詣

謹身殿候迎擊鼓三嚴。引班引文官由

午門東畔金水橋東。

奉天東門入就起居位。武官由

午門西畔金水橋西。

奉天西門入就起居位。引僧道使客隨文班入立于文班之後立定。侍儀奏外辦。

御用監令奏請

皇帝服衮冕。御輿以出。尚寶卿捧寶及侍儀侍



衛導從警蹕如常儀。

皇帝將出仗動。大樂鼓吹振作陞

御座。樂止將軍捲簾尚寶卿以寶置于案拱衛

司官由殿西門出降自西階引班引入起居位

立定通班唱某銜指揮使臣某以下起居贊禮

唱鞠躬平身訖引班引至

丹墀拜位北面立贊禮唱鞠躬。樂作拜興拜興

平身。樂止贊禮唱指揮使稍前指揮前立定贊

禮唱鞠躬指揮使及以下皆鞠躬唱

聖躬萬福唱平身復位指揮使復位贊禮唱鞠

躬。樂作拜興拜興平身。樂止通班唱各恭事殿

前班侍從班及諸執事各就本位引進引

皇太子具衣服與

親王俱由

奉天東門入。樂作陞自東階至

丹陛拜位。樂止引進贊鞠躬。樂作拜興拜興拜

興拜興平身。樂止引進導

皇太子



親王詣

奉天殿東門入。樂作引進立伺於門外。內贊接

引

皇太子

親王至

御座前行禮位。樂止內贊唱跪。

皇太子

親王皆跪。

皇太子稱賀云。長子某茲遇履端之節。冬至則履長

之節謹率諸弟某等欽詣

父皇陛下稱賀。

制曰。履端之慶。冬至則云與長子等同之。聽制

畢。內贊唱俯伏興平身。

皇太子

親王皆俯伏興平身。內贊引

皇太子

親王由東門出。樂作引進引復

丹陛拜位。樂止引進唱鞠躬。樂作拜興拜興拜。



興拜興平身。樂止引進引

皇太子

親王降自東階。樂作至

文樓。樂止司辰再報時訖。通班具丞相銜臣某

以下起居。引班唱鞠躬平身。引班引文武百官

入

丹墀拜位北面立。初行。樂作至位。樂止知班唱

班齊贊禮唱鞠躬。樂作拜興拜興拜興拜興平

身。樂止引班引丞相詣西階階。引班立候於階

下。捧表官詣案前。搢笏捧表。及宣表官宣表目

官。展表官。以次從丞相行。樂作至殿西門。樂止

捧表官。宣表官。宣表目官。展表官。立於殿西門

外。內贊接引丞相至

御座前。內贊唱跪。丞相跪。贊禮唱。眾官皆跪。丞

相跪。奏具官臣某等。茲遇三陽開泰。萬象維新

冬至則云律應黃鍾日當長至欽惟

皇帝陛下。膺乾納祐。奉天永昌。賀訖。內贊唱俯

伏。興平身。丞相俯伏。興平身。贊禮唱俯伏。興平



身衆官皆俯伏興平身內贊引丞相出殿西門

樂作丞相降自西階引班引復位樂止捧表官

宣表官宣表目官展表官由殿西門入內贊唱

進表捧表官捧表跪進于案前受表官搯笏跪

于案束受表及表目置于案出笏興退復位捧

表官出笏興退立于殿內之西東向內贊唱宣

表宣表目官詣案前搯笏取表目跪宣于殿內

之西展表官搯笏同跪展宣畢展表官出笏復

位宣表目官俯伏興以表目復于案出笏退復

位宣表官詣案前搯笏取表跪宣于殿內之西

展表官搯笏同跪展宣訖展表官出笏一人以

表復置于案俱退立于位宣表官俯伏興同捧

表官宣表目官展表官以次出殿西門降自西

階各還本位贊禮唱鞠躬樂作拜興拜興

拜興平身樂止給事中詣

御座前跪承

制由殿中門出至

丹陛上東南西向稱有制贊禮唱跪百官皆跪



大明集禮卷十一  
給事中宣云。

皇帝制曰履端之慶冬至則云履長之慶與卿等同之宣

訖給事中由西門入跪奏承

制畢俯伏興還侍位贊禮唱俯伏興平身贊禮

唱搢笏鞠躬三舞蹈唱跪唱山呼各官拱手加

額曰萬歲贊禮又唱山呼各官又拱手加額曰

萬歲贊禮又唱再山呼各官又拱手加額曰萬

萬歲凡呼萬歲樂工軍校齊聲擊鼓應呼之出笏俯伏興樂作拜

興拜興拜興拜興平身樂止侍儀前跪奏禮畢

鳴鞭。

皇帝興樂作警蹕侍從導引至

謹身殿樂止舍人各舉表案出引班引丞相以

下文武百官以序出。

聖節儀注

前期內使監官陳

御座香案於

奉天殿設

皇太子



親王次於

文樓其

丹墀中。侍儀司設表案於內道之西北。文官起居位設於

文樓之南。西向。武官起居位於

武樓之南。東向。文官一品二品拜位。於內道上之東。每等異位重行。北向西上。武官一品二品拜位。於內道上之西。每等異位重行。北向東上。文官三品以下拜位。於內道下之東。每等異位

重行。北面西上。武官三品以下拜位。於內道下之西。每等異位重行。北面東上。善世玄教僧道拜位。於文官四品之東。使客位。北使者位。驗品在文官拜位之東。北面西上。殿前班。諸執事。起居位於武官起居位之北。東向。侍從班。諸執事。起居位於文官起居位之北。西向。捧表官。宣表官。宣表目官。展表官。位於表案之西。東向。糾儀御史二人。位於表案之南。東西相向。宿衛鎮撫二人。於東西陛下。東西相向。護衛百戶二十四



人位於宿衛鎮撫之南稍後東西相向典牧所  
官二人位於乘馬之前東西相向司辰郎報時  
位於內道之中文武官拜位之北知班二人位  
於文武官拜位之北東西相向通贊贊禮二人  
位於知班之北東西相向通贊在西贊禮在東  
引文武班四人位於文武官拜位之北稍後東  
西相向引殿前班二人位於引武班之南引使  
者二人位於引文班之南舉表案二人位於引  
武班之北舉殿上表案二人位於西陛之下東

向其

丹陛上侍儀司設

皇太子

親王拜位於丹陛上正中殿前班指揮司官三  
負侍立位於陛上之西東向光祿寺官三負位  
於陛上之東西向拱衛司官位於殿中門之左  
右東西相向護衛千戶八人位於殿東西門之  
左右東西相向典儀二人位於陛上之南東西  
相向鳴鞭四人位於殿前班之南北向將軍



六人於殿門之左右。各東西相向。天武將軍四人位於陛上之四隅。各東西相向。其

奉天殿上。尚寶司設寶案于正中。侍儀司設表案於寶案之南。

皇太子

親王於表案之南。文官侍從班起居注給事中。殿中侍御史尚寶卿位於殿上之東。西向。武官侍從班懸刀指揮位於殿上之西。東向。受表兼文表目官位於文官侍從班之南。西向。內贊二

人位於受表官之南。東西相向。捲簾將軍二人位於簾前。東西相向。

是日侵晨。金吾衛陳設甲士於

午門外之西。丹陛上設

皇太子

親王拜褥。陳儀仗於丹陛上。及丹墀之東西。擊鼓位於

午門外中道。列旗仗於

奉天門外之東西。拱衛司陳五輅於丹墀之南。



大明集禮 卷十七 四十一  
北向。典牧所官陳仗馬於

文武樓南。東西相向。虎豹於

奉天門外之東西。和聲郎陳樂於

丹墀。文武官拜位之南。侍儀司舍人二人舉表

案入就殿上位。舍人二人以表函置于案。舉入

丹墀位。擊鼓初嚴。催班舍人各請文武百官具

朝服。擊鼓次嚴。引班引文武百官齊班於

午門外。以北為上。東西相向。通班贊禮知班。典

儀。內贊宿衛鎮撫護衛。鳴鞭。殿內外將軍俱入

就位。引班引殿前班指揮光祿卿。糾儀官捧表

官。宣表官。宣表目官。展表官。受表官。各依品從

序立於起居位。東西相向。諸侍衛官各服器服

及尚寶卿侍從官入詣

謹身殿候迎。擊鼓三嚴。引班引文官由

午門東偏門東畔。金水東橋。

奉天東門入起居位。武官由

午門西偏門西畔。金水西橋。

奉天西門入起居位。引僧道使客入立于文班



之後侍儀奏外辦。

御用監令奏請

皇帝服衮冕

御輿以出尚寶卿捧寶及侍衛導從警蹕如常儀。

皇帝將出仗動。大樂鼓吹振作陞

御座。樂止將軍捲簾尚寶卿以寶置於案拱衛

司鳴鞭司晨報時鷄唱訖諸侍從官由殿西門

出降自西階引班引入起居位立定通班唱某

銜指揮使臣某以下起居贊禮唱鞠躬平身引

班引至

丹墀拜位北面立贊禮唱鞠躬拜興拜興平身

初鞠躬。樂作平身。樂止贊禮唱指揮使稍前鞠

躬指揮使稍前及以下皆鞠躬贊禮唱

聖躬萬福平身復位唱鞠躬拜興拜興平身初

鞠躬。樂作平身。樂止通班唱各恭事殿前班侍

從班及諸執事官皆就本位引進引

皇太子



親王自

奉天門東門入。樂作陞自東階至。

丹陛拜位。樂止引進唱鞠躬拜興拜興拜興拜興。

興平身。初鞠躬樂作平身。樂止引進引

皇太子

親王由

奉天殿東門入。引進立於門外。內贊接引

皇太子

親王至

御座前行禮位。初行樂作。至位樂止。內贊唱跪。

皇太子

親王皆跪。

皇太子稱賀云。長子某。欽遇

父皇陛下聖誕之辰。謹率諸弟某等敬祝

萬歲壽。賀訖。內贊唱俯伏興平身。

皇太子

親王皆俯伏興平身。內贊引

皇太子



親王以次由殿東門出。樂作引進引復位

丹陛拜位立定。樂止引進唱鞠躬拜興拜興拜

興拜興平身。

皇太子

親王以次降自東階。樂作至

文樓。樂止司辰再報時訖通班具丞相銜臣某

以下起居引班唱鞠躬平身引班引入

丹墀拜位。初行樂作。至位樂止。知班唱班齊贊禮唱鞠躬

樂作拜興拜興拜興拜興平身。樂止引班引丞

相詣西階陞。樂作至殿西門。樂止引班立候於

階下。捧表官詣案前捧表。及宣表官宣表目官

展表官立於殿西門外。內贊接引丞相至

御座前。內贊唱跪通贊唱眾官皆跪丞相奏稱

具官臣某欽遇

皇帝陛下

聖誕之辰。謹率文武官僚敬祝

萬歲壽賀訖。內贊唱俯伏興平身。贊禮唱眾官

皆俯伏興平身。初俯伏。樂作平身。樂止內贊引



丞相由殿西門出。降至西階。引班引復位。丞相

初出殿西門。樂作復位。樂止。捧表等官由殿西

門入。內贊唱進表。捧表官跪進。受表官跪于案

東。受表置于案。退復位。捧表官興。退立于殿西

內贊唱宣表。宣表目官詣案前取表目。及表跪

宣于

御座之西。展表官同跪。展宣表目訖。展表目官

一人。以表目復于案。退立于西。宣表目官俯伏

興。宣表官宣于

御座之西。展表官跪。同展宣訖。展表一人。以表

復于案。宣表官俯伏。興。同捧表。展表官以次出。

還本位。贊禮唱鞠躬。樂作拜興。拜興。拜興。拜興。

平身。樂止。贊禮唱搯笏。鞠躬。三舞蹈。唱跪。唱山

呼。各官拱手加額。曰萬歲。又唱山呼。各官拱手

加額。曰萬歲。贊禮再唱山呼。各官又拱手加額

曰萬萬歲。凡呼萬歲。樂工軍校應聲呼之。出笏。俯伏。興。拜興。拜

興。拜興。拜興。平身。初俯伏。樂作平身。樂止。侍儀

奏禮畢。鳴鞭。



皇帝興樂作警蹕侍從導引至

謹身殿樂止舍人舉表案出引班各引文武百

官以次出。

宴會儀注

奉天殿大朝賀畢錫宴于

謹身殿拱衛司於殿廷左右設黃麾仗及擎執

如

奉天殿受朝之儀內使監光祿寺陳設

御座又設

皇太子座於

御座東偏西向稍南設

諸王座以次而南皆西向又於

御座西偏設

諸王座與東偏

諸王相對以次而南皆東向殿內左右第一行

第二行設文武一品二品官座以北為上東西

相向左第三行及後行設三品文官座以北為

上皆西向右第三行及後行設三品武官座以



北為上。皆東向。又於東廡下設四品以下至九品文官座。以北為上。西廡下設四品以下至九品武官座。以北為上。和聲郎於殿之南楹。陳大樂細樂。及諸舞隊。光祿寺設御酒罇於殿之南楹。

皇太子

親王文武三品以上官酒罇於殿門左右。御位司壺二人。尚酒尚食二人。東偏

皇太子

親王司壺一人。奉酒奉食二人。西偏

親王司壺一人。奉酒奉食二人。文武官左右第

一行各司壺四人。兼供酒供食。文武官左右第

二行各司壺四人。兼供酒供食。文武官左右第

三行及後行各行用司壺四人。兼供酒供食。

東西廡各間。光祿寺置酒罇司壺一人。供酒供

食二人。光祿寺陳

御食案。及

皇太子



親王食案於殿中。殿上左右文武官食案。

東西廡文武官食案。各設於本位前。將宴。諸執事各供事。舍人引文武百官常服侍立於殿門之左右。引進引。

皇太子

親王常服侍立於殿內之左右。侍儀導引。

皇帝常服陞

御座。鼓吹振作。鳴鞭。樂止。

皇太子

親王各就座位。丞相率禮部尚書光祿卿舉

御食案進于

御前。禮部侍郎光祿少卿舉食案各進于

皇太子

親王之前。丞相捧壽花進於

御前。禮部尚書工部尚書分進壽花於

皇太子

親王之前。文武百官各就座位。禮部工部官及諸執事人分進壽花於文武百官訖。內使監令



於

御前斟酒次司壺於

皇太子

親王及文武百官前各斟酒細樂作和聲郎北

面立舉手唱上酒飲畢樂止內使監令於

御前進食供食者於

皇太子

親王文武百官前各供食大樂作和聲郎北面

舉手唱上食食畢樂止凡酒七行間進食五次

上酒上食樂作樂止並如上儀惟酒第五行及

七行雜呈諸隊舞宴畢

皇帝興大樂作

皇太子

親王侍從還

宮樂止文武百官以次出

午門開讀赦書儀注開詔同

前期翰林院官承

旨草赦奏聞訖前一日禮部告百官於



皇城守宿。至日鳴鐘後具朝服行禮。內使監設御座香案於

奉天殿。尚寶司設寶案於

御座之南。用寶案於

赦書案之東。侍儀司設宣讀案于

午門外之東。西向。

龍亭香案於北。正中。百官拜位於香案之南。文

官位於道上之東。每等異位重行。以西為上。武

官位於道上之西。每等異位重行。以東為上。知

班二人位於文武官拜位之北。東西相向。贊禮

通贊二人位於知班之北。通贊在西。贊禮在東。

相向。宣讀官位於宣讀案之北。西向。展讀官二

人位於宣讀官之南。西向。樂工設樂於

丹墀中之南。及文武官拜位之南。俱北向。將軍

二人位於殿上簾前。東西相向。將軍六人位於

奉天殿門之左右。分東西相向。又將軍六人位

於

奉天門之左右。東西相向。是日金吾衛於



午門外陳設甲士軍仗東西相向。拱衛司設儀仗於

丹陛之東西。和聲郎陳樂於

丹墀之南。及金水橋伺候迎引。金吾衛擊鼓初嚴。禮部官捧赦書入置於

寶案上。舍人催百官具朝服。執事者各入就位。導駕官侍從官入迎

車駕。擊鼓次嚴。引班舍人引文武百官各序立於宣讀案之南。東西相向。擊鼓三嚴。引班引百

官就拜位。侍儀奏外辦。

上位具皮弁服。陞

御座。大樂作捲簾。鳴鞭訖。樂止。禮部官捧

赦書於用寶案前。尚寶跪奏赦書用寶。興開讀。用訖。禮部官同中書省左丞。用黃銷金袂。裹

赦書。禮部官奏捧

赦於  
午門外開讀。興左丞又以黃袂承赦。捧由殿中門出。大樂作拱衛司擊黃蓋遮護。降自中階。由



奉天中門出金水橋。樂作前迎出

午門外禮部官接

赦書置于龍亭。大樂陳於文武官拜位後。樂止

知班唱班齊贊禮。唱鞠躬。樂作拜興。拜興。

拜興。平身。樂止通贊唱宣讀。宣讀官展讀。官陞

案。禮部官捧

赦書授宣讀官。宣讀官跪受

赦書。贊禮唱衆官皆跪。展讀官對展。宣讀官宣

讀訖。以

赦書授禮部官。禮部官捧

赦書置于龍亭。贊禮唱俯伏興。樂作拜興。拜興。

拜興。拜興。平身。樂止贊禮唱搯笏鞠躬。三舞蹈。

唱跪。唱山呼。各官拱手加額。曰萬歲。贊禮又唱

山呼。各官拱手加額。曰萬歲。贊禮又唱再山呼。

各官拱手加額。曰萬萬歲。凡呼萬歲。樂工軍校擊鼓應聲呼之。出

笏。俯伏興。樂作拜興。拜興。拜興。平身。樂止

禮畢。引進入報。侍儀奏禮畢。

上位興。樂作鳴鞭。還



九日集禮 卷二十一 三十一  
宮。樂止。百官仍具公服送。

赦書至中書省。頒授使者行。

諸王來朝儀注

前期內使監官陳

御座香案於

奉天殿中。如常儀設

諸王次於

奉天門東耳房內。尚寶司設

寶案於

御座前。侍儀司設

諸王拜位於

丹陛上。及

御座前。王府官拜位於

丹墀南內道上之東西。文官依品從侍立位於

文樓之北。西向北上。武官依品從侍立位於

武樓之北。東向北上。殿前班指揮司官三員位

於陛上。東向。光祿司官三員位於陛上。西向。侍

從班起居注。殿中侍御史。侍儀使。尚寶卿位於



大明集禮 卷二十七 五十三  
殿上西向。指揮司懸刀武官。位於殿上東向。拱衛司官位於

奉天殿門之左右。東西相向。典牧所官位於仗馬之前。東西相向。宿衛鎮撫位於

丹陛東西階下。東西相向。護衛百戶二十四。負於宿衛鎮撫之南。稍後。東西相向。護衛千戶八。負於殿東西門之左右。東西相向。贊禮二人位於陛上。

王拜位之北。東西相向。內贊二人位於殿上。東西相向。典儀二人位於

丹陛上之南。東西相向。知班二人位於王府官拜位之北。東西相向。承傳二人位於知班之北。東西相向。鳴鞭四人位於

丹陛上之南。北向。天武將軍四人位於丹陛上之四隅。東西相向。將軍二人於殿上簾前。東西相向。將軍六人於奉天殿門之左右。東西相向。將軍六人於奉天殿門之左右。東西相向。



是日金吾衛陳設甲士於

午門外之東西列旗仗於

奉天門外之東西拱衛司陳儀仗於

丹陛上及

丹墀之東西陳五輅於

丹陛之南典牧所陳仗馬於

文武樓之南東西相向陳虎豹於

奉天門外和聲郎陳樂於

丹墀王府官拜位之南擊鼓初嚴催班舍人催

文武官各具公服擊鼓次嚴引班引文武百官

依品從齊班於

午門外以北為上東西相向殿前班指揮光祿

卿各依品從序立於侍立位通班贊禮與儀內

贊宿衛鎮撫護衛鳴鞭殿內外將軍各執事人

俱入就位諸侍衛官各服其器服及尚寶卿侍

從官入詣

謹身殿奉迎擊鼓三嚴引班引文官由

午門西門東畔金水東橋



奉天東門入就侍立位。武官由

午門西門西畔金水西橋。

奉天西門入就侍立位。侍儀版奏外辦。

御用監令奏請服皮弁服。

上位御輿以出。尚寶卿捧寶。及侍儀侍衛導從

警蹕並如常儀。

皇帝將出。仗動。吹大樂鼓陛

御座。樂止將軍捲簾。尚寶卿以寶置于案。拱衛

司鳴鞭。司辰郎報時。雞唱訖。引禮引

王具袞冕由東門入。東陞陛。

丹陛位。引禮引王府官入就

丹墀位。立定。贊禮唱鞠躬。樂作拜興。拜興。拜興。

拜興。平身。承傳唱鞠躬。拜興。拜興。拜興。平

身。樂止引禮引

王詣

奉天殿東門入。樂止引禮立伺於門外。內贊接

引

王至



御座前行禮位樂止內贊唱跪。

王與王府官皆跪。

王稱第幾子某王某茲遇孟春四時隨時改易入覲欽

詣

父皇陛下朝拜內贊唱俯伏興平身承傳唱俯伏興平身。

王與王府官皆俯伏興平身內贊引

王由東門出樂作引禮引復

丹陛拜位樂止贊禮唱鞠躬樂作拜興拜興拜

興拜興平身承傳唱鞠躬拜興拜興拜興平身。

王與王府官皆鞠躬拜興拜興拜興平身。

樂止贊禮贊禮畢侍儀奏禮畢。


上位興樂作警蹕侍從導引至

謹身殿引禮導

王出樂止引班引王府官及百官以次出。




奉天殿丹墀班位



引班

引班

樂



集禮卷七 五十八

大明集禮

卷七

五十七



衛護衛

糾儀御史  
贊禮  
知班

案表

同辰

宣表官  
宣卷官  
展卷官  
展卷官

衛護衛

糾儀御史  
通贊  
知班

集禮卷十七五十九

使客位

上  
文官以西為上

正一品	正一品	正二品	正二品	正三品	正三品	正四品	正四品	正五品	正五品	正六品	正六品	正七品	正七品	正八品	正八品	正九品	正九品
後一品	後一品	後二品	後二品	後三品	後三品	後四品	後四品	後五品	後五品	後六品	後六品	後七品	後七品	後八品	後八品	後九品	後九品

上  
武官以東為上

正一品	正一品	正二品	正二品	正三品	正三品	正四品	正四品	正五品	正五品	正六品	正六品	正七品	正七品	正八品	正八品	正九品	正九品
後一品	後一品	後二品	後二品	後三品	後三品	後四品	後四品	後五品	後五品	後六品	後六品	後七品	後七品	後八品	後八品	後九品	後九品

子王



丹陛上版位

樂工 典儀

天武將軍

鳴鞭

鳴鞭

鳴鞭

鳴鞭

天武將軍

樂工 典儀

集禮位卷十七 六十

護衛護衛護衛護衛護衛護衛護衛護衛護衛護衛


宿衛鎮撫

護衛護衛護衛護衛護衛護衛護衛護衛護衛護衛


宿衛鎮撫



殿上版位圖



門 門 門





奉天殿常朝侍立圖

九	品	八	品
七	品	六	品
五	品	四	品
三	品		品
二			品
一			品

九	品	八	品
七	品	六	品
五	品	四	品
三	品		品
二			品
一			品

集禮卷十七 六十二

起居注給事中侍儀同掌符後位

內使監執位

御座

內使監執位

指揮以下武官懸刀侍從位



諸王來朝丹墀班位

侍從文官

魯王  
潭王  
楚王  
燕王  
秦王  
皇太子

通樹

晉王  
魏王  
齊王  
梁王  
宋王

官武從侍

王府官拜位

承傳  
知班  
引班

東班  
西班  
南班

文官侍立位

引班  
引班

武官侍立位

引班  
引班







殿上版位

内贊

王拜位

内贊

護衛諸衛護衛使

天武將軍

將軍

門

將軍

儀衛司官

將軍

門

將軍

儀衛司官

將軍

門

將軍

儀衛司官

儀衛司官

儀衛司官

儀衛司官

贊禮

贊禮



謹身殿宴會次序

品從異座重行南北相向

品從異座重行南北相向

集禮卷十七 六十六

品從異座重行南北相向

品從異座重行南北相向

品從異座重行南北相向

品從異座重行南北相向

指揮以下武官懸刀侍班



大明集禮卷十七

文官四品以下依

東

文官三品依品從東座行西向

文官四品依品從東座行西向

皇諸王  
太子

御座

王  
親王

武官三品依品從東座行東向

武官四品依品從東座行東向

西

武官四品以下依



